

Powšitkowne WOZJEWJENJA

njedźelu, 16. měrca 2014

Duchowna hudźba w klósterskej cyrkwi

„Stabat Mater“ Giovannija Battisty Pergolesija předstaji so tutu njedźelu, 16. měrca, w 16.30 hodź. w cyrkwi klóštra Marijineje Hwězdy. Sopranistka Katrin Pehla-Döring, altistka Gundula Ehret a kantor Michael Schmidt na piščelach duchownu hudźbu wuhotuja.

„„K swobodze wuswobodzeni““?

W rjedže lětušich póstnych seminarow wěnujetaj so farar Filip Šimonovský a pater Josef Kujan pónđzelu, 17. měrca, temje „Česka – ateistiski kraj?“ Seminary wotměwaja so w Smochčanskim Domje biskopa Bena a steja pod hesłom „K swobodze wuswobodzeni“? – Křesćan byc we wuchodosrjedźnej Europje wčera a džensa. Posledni wječor w tutym lětušim rjedže budže pónđzelu, 24. měrca, k temje „Pólska – katolski kraj?“. Zawodne słowa změjetaj farar Martin Niemec a dr. Leopold Rzodkiewicz. Započatk je stajnje w 19.30 hodź. Mjez sobuzarjadowarjemi je Towarstwo Cyrila a Metoda z.t.

Komplet a přednošk w Pančicach-Kukowje

Dekanatne dušepastyrstwo přeprašuje młodostnych ze serbskich wosadow na nyšpor w klósterskej cyrkwi w Pančicach-Kukowje, kotryž budže sobotu, 22. měrca, w 20.00 hodź. Kompleće přizamknje so na farskej wikariji přednošk fararja Gabriša Nawki k temje „Čišinski spi“.

Zhromadny dzeń za 3. a 4. lětnik

Dekanatne dušepastyrstwo přeprašuje džěci 3. a 4. lětnika na zhromadny dzeń sobotu, 22. měrca, wot 9.00 do 15.00 hodź. do Don Boskowneho domu we Worklecach. Zajimcy njech so prošu hač do wutory, 18. měrca, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždneho wobdźělnika přinošk, kotryž wučinja tři eura.

Zhromadny dzeń za 5. a 6. lětnik

„Hólcy su kołwrótni – holcy hlupikojte“ je hesło zhromadneho dnja za šulerki a šulerjow 5. a 6. lětnikow, na kotryž přeprašuje Dekanatne dušepastyrstwo sobotu, 29. měrca, wot 9.00 do 14.00 hodź. do Don Boskowneho domu we Worklecach. Zajimcy njech so prošu hač do wutory, 25. měrca, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždneho wobdźělnika přinošk, kotryž wučinja tři eura.

Putnikowanje swójbow

Putnikowanje swójbow ze serbskich wosadow do Róžanta budže pjatu póstnu njedźelu, 6. apryla. Božu mšu w 9 hodź. změje farar Měrćin Deleńk w hnadownej cyrkwi.

Nalětni koncert 1. serbskeje kulturneje brigady z.t.

Na swóji nalětni koncert přeprašuja chór z rejwanskej skupinu 1. serbskeje kulturneje brigady z.t. kaž tež hudźbnicy Serbskeho ludowneho ansambla njedźelu, 30. nalětnika, w 17 hodź. do Chróšćanskeje „Jednoty“. Zaklinči moderny oratorij „Wětrnik a časy“, kotryž měješe 2006 w Smochćicach swoju premjeru. Wumělski nawod změje Friedemann Böhme. Dalši koncert budže sobotu, 5. jutrownika, w 19.00 hodź. na žurli Budyskeje Kehelernje na Thomasa Mannownej dróze 7.